

Sorof, Gustav
Vindiciae Lucianeae

PA
4236
S67



Th. E. Pury

STADTGYMNASIUM ZU HALLE A. S.

VINDICLAE LUCLANEAE.


VON

DR. GUSTAV SOROF,
GYMNASIALOBERLEHRER.

Beilage des Osterprogramms 1898.

HALLE A. S.
DRUCK VON EHRHARDT KARRAS.
1898.

54
4596
-52



I. Non pauci sed permulti in scriptis Lucianeis operam suam posuerunt emendandis et extremis his annis, ex quo in primis Sommerbrodtius latius quam in aliis scriptoribus coniecturarum campum patere in Lucianeis scriptis statuit (Lucian. rec. J. S. 1886, I, 1. Praef. VIII), in dies fere emendationum seges crescere videtur. Sed suo iure M. Rothsteinus (Quaest. Luc. 99 ss.) monet, ne nimio emendandi studio operam perdant viri docti atque oleum: multo enim plura recte ille ait cum dubitatione esse relinquenda quam coniecturis certis restitui posse. Certe illud poscere debemus, ut qui Lucianum emendare studeat is et generis dicendi quo usus est Samosatensis et earum quae quidem in editionum textu quem dicunt positae sunt coniecturarum diligenter habeat rationem. Quid, quod in magno coniecturarum numero P. R. Muellerns (Annal. Nov. Fleckeis. 1897, p. 403) id quoque profert, ut pro βασιλεὺς γὰρ scribendum augeretur Iup. conf. 8. 132. 1 Bekk. βασιλεύεις γὰρ, quam scripturam contra omnium librorum manu scriptorum auctoritatem in verborum continuatione iam Bekkerus posuit. Iniuria ille quidem, opinor, vir doctissimus. Quam grata enim Luciano ellipsis ea sit, qua omittat cum alia vocabula tum verbum εἶναι, id vel qui percurrit libros Lucianos satis habet persuasum, de qua re, quam Schmidius (Attic. I 423) paucis tetigit, uberius disseruerunt et Du Mesnilius (Grammatica, quam Luc. etc. Stolp. Progr. 1867, 53 ss.) et F. Kersterns (de ellipseos usu Luciano. Diss. Kil. 1889), ex quibus hic (l. l. p. 16 ff.) copulam ἐστὶ a Luciano multo saepius omitti quam poni statuit. Hoc igitur de quo disserimus loco quin βασιλεὺς γὰρ a Luciano scriptum sit pro βασιλεὺς γὰρ εἶ, id extra omnem tamen dubitationem positum est, quamquam alteram quae dicitur personam rarius quam tertiam omitti concedendum est. Verba autem βασιλεὺς γὰρ a ceteris verbis, quorum in continuatione sunt posita, ita seiungenda sunt, ut causam, cur Cyniseus Iovem esse beatum putet, indicent. — Tertia persona ἐστὶ videtur supplenda esse Iup. conf. 2. 103. 5 καὶ ξυγγνώμη, εἰ ἄνθρωποι ὄντες ἀγνοοῦσι τῶληθές, ubi ξυγγνώμη videtur esse causa ignoscendi, idemque dicendum est de eis verbis quae sunt Dial. Mort. 29. 388. 32 ξυγγνώμη, ὃ Ἄϊας, εἰ ἄνθρωπος ὢν ὀρέχθῃ δόξης, et Mere. Cond. 8. 128. 3 ἀλλὰ ξυγγνώμη, εἴ τις ἡδονῇ χαίρει κ. τ. λ. — Altera persona γέρετε supplenda est Herm. 3. 15, 15 ὃν δὲ καὶ τὰς τῶν ἐγώρων καὶ τὰς τῶν γερότων προσέτι se. γέρετε. Falluntur vero editores, qui paulo infra omissum arbitrantur εἶ, cum verba ita interpungant: ὃν δὲ καὶ τὰς τῶν ἐγώρων καὶ τὰς τῶν γερότων προσέτι, καὶ ὅλως ἀπάντων ὁ πολυψηφύτατος ἐν παιδείᾳ ὃν γε, καὶ μέλιστα ὅσῳ τὴν λευχὴν αἰὶ καὶ σώζουσιν γέρετε, ὃ καὶ θαρρεῖν με ἐν τῷ παρόντι ποιεῖ. Immo verba καὶ ὅλως ἀπάντων coniungenda arbitramur cum antecedentibus, ut ipsa quoque referantur ad τὰς se. ψήφους. Verba autem quae sequuntur ὁ πολυψηφύτατος ἐν παιδείᾳ ὃν γε quasi appositionis quae dicitur loco referenda sunt ad initium sententiae

οὐ δὲ κ. τ. λ. Quamquam enim in concilio illo Lacedaemoniorum nemo sententiam fert nisi reges et senes, tamen καὶ ὅλως ἀπ' αὐτῶν cum prioribus verbis ita coniungimus, ut his verbis Lucianus extra fines exempli quod affert subito excedat; aptissime iam superlativo ὁ πολυψηφύτατος ἐν παιδείᾳ οὐ γὰρ id uno verbo comprehenditur, quod prioribus explicatum est multis, summam scilicet artis aestimandae auctoritatem esse in illo, apud quem Lucianus verba facit: reditque ita scriptor eo unde profectus est, cum paulo supra (15, 8 B.) dicit sperare se uno hoc iudicio omnium se adeptum esse iudicium, ubi per ellipsin dicitur: καὶ δὴ ἐπὶ πάρας ἤκειν με τῆς ἐλπίδος ἐν μὲν ψήφῳ τὰς ἀπάσας λαβόντα. Is locus addendus est eis, quos Du Mesnilius l. l. p. 55, 3a affert. Cogitat enim animo ἤκειν με ἐσοπούμην, id quod paulo supra (15, 2) legitur τῷ Τιμοθέῳ λόγῳ ἐπόμενος ἐσοπούμην ὅστις ὁ ἄριστος εἴη κ. τ. λ.

Extra ellipseos quam dicunt fines excedit locus, qui est Inp. conf. 4. 130, 18, ubi Cyniseus Iovi quae sit inquirendi causa interroganti (τίνος δ' οὐρ ἐνεκα ἡρώτησάς ποτε τὸ περὶ τῶν Μοιρῶν;) respondet haec: ἢν πρότερόν μου, ὦ Ζεῦ, κάλεινο ἔπαυς, εἰ καὶ ἐμὼν αἵται ἀρχοῦσι καὶ ἀνάγκη ἐμὴν ἡρτῆσθαι ἀπὸ τοῦ λίκου αὐτῶν. Non verbum aliquod supplendum est, sed tota haec sententia est omissa: tum demum respondebo tibi, si e. q. s. —

Non medioeris scrupulus viris doctis eo loco iniectus est, qui est Zeux. 7. 64, 16, ubi Bekkerus et Iakobitzius scripturam quae codicibus fere omnibus traditur in verborum continuatione posnerunt hanc: τῶν δ' ἐγ' ὅτῳ, εἰ καλῶς ἔχει καὶ κατὰ τὴν τέχνην, οὐ πολὺν ποιοῦνται λόγον, ἀλλὰ παρενδοξίμει τὴν ἀκριβείαν τῶν ἔργων ἢ τῆς ἐποθέσεως καιροτομία, Iacobitzio a Bekkeri textu ita dissentiente, ut post τῶν δ' quoque interpungat. Sommerbrodtius autem verba ita intellegi non posse ratus ad Palatini 73 libri auctoritatem decurrit, quo libro tradita sunt haec: τῶν δ' αὖ γώτῳ, εἰ καλῶς ἔχει κ. τ. λ., a qua scriptura libri Vaticanus I et Parisinus M ita tantum discrepant, ut exaretur in eis δὲ pro δ'. Sed ut intellegamus, quid illa verba sibi velint, ad universum libelli argumentum respicere debemus. Toto enim libello inter se opponuntur id quod plebs ab artificē flagitat et vera ars, li qui Lucianum audiverant declamantem, summis laudibus eum cumlaverant ea de causa, quod novum et inauditum protulisset argumentum, neque artis qua prolatum erat omnino rationem habuerant, ut Lucianus seem reputaret (62, 12): οἷχοῦν τοῦτο μόνον χέριεν τοῖς ἐμοῖς ἐνεστίν, ὅτι μὴ συνήθῃ μὴδὲ κατὰ τὸν καιρὸν βαδίζει τοῖς ἄλλοις, ὁρομένῳν δὲ ἔφα καλῶν ἐν αὐτοῖς καὶ πρὸς τὸν ἀρχαῖον καιρὸν ἀνταρξομένων ἢ τοῦ ὀξέος ἢ περινοίας τιδὸς ἢ χέριτος Ἰπτικῆς ἢ ἀρμονίας ἢ τέχνης τῆς ἐγ' ἀπασί, τοῦτων δὲ πόρρω ἴσως τοῖ μόν' οὐ γὰρ ἂν παρέντες αὐτὰ ἐκείνα ἐπύροιν μόνον τὸ καιρὸν τῆς προαιρέσεως καὶ ξερίζον.

Sermonis igitur pulchritudinis et vetustatis, sensus acuti, solertiae excogitandi, venustatis atticae, numeri et in omnibus constituendis artis, harum rerum, quas Lucianus maxime curabat, rationem habuerant omnino nullam. Atque ea quoque spes Lucianum fefellerat fore ut illi, quae de' novitate argumenti praedicavissent, ea parvi momenti esse rati ea deinde et afferrent et laudarent, quae ipse re vera laude digna indicaret. Sed ἀνθρώποις ὁ θεσπευός: nihil aliud habebant, quod praedicarent. Quae postquam scriptor exposuit, idem evenisse narrat Zenxidi, qui novam imaginem, qua non ipsa quidem sed alia secundum illam depicta Luciani ipsius Athenis versantis admiratio valde mota erat, ipse quoque, ut Lucianus, sperabat (64, 7) ἐκπλήξουσιν τοὺς ὁρῶντας ἐπὶ τῇ τέχνῃ. Sed illi nihil nisi novitatem argumenti admirati sunt: ὥστε ὁ Ζεῦξας συνέει, ὅτι ἀντοὺς ἐδοχάζει ἢ ἐποθέσις καιρὴ οὐσα καὶ ἀπάγει τῆς τέχνης, ὡς ἐν παρέργῳ τίθεσθαι τὴν ἀκριβείαν τῶν

πραγμάτων, ἄγε δή, ἔγωγε, ὦ Μιζζίων, πρὸς τὸν μαθητὴν, περίβαλε ἥδη τὴν εἰκόνα καὶ ἀριμένοι ἀποζομίζετε οἷαδε. οὗτοι γὰρ ἡμῶν τὸν πηλὸν τῆς τέχνης παματοῦσι, τῶν δ' ἐγ' ὅτῳ, εἰ καλῶς ἔχει καὶ κατὰ τὴν τέχνην, οὐ πολὺν ποιοῦνται λόγον, ἀλλὰ παρευδοξίμῃ τὴν ἀκριβείαν τῶν ἔργων ἢ τῆς ἐποθέσεως καιροτομία. Quam praeferunt Fritzscheius et Sommerbrodtius scripturam τῶν δ' αὖ γότων, eam probari non posse vel ex eis quae supra exposuimus videtur apparere. τὰ γότα viri docti ita intellegunt, ut lumen significent, quod una cum umbra a pictore in describendis imaginibus diligenter custodiatur necesse est. Sed hae interpretatione id quod Lucianus τέχνην significat angustioribus finibus coarctetur, cum c. 5 de hac re disputans τὸ ἀποτεῖναι τὰς γραμμὰς ἐς τὸ εὐθέτατον καὶ τῶν χρομάτων ἀκριβῆ τὴν κρῶσιν καὶ εὖζαρον τὴν ἐπιβολὴν παύσασθαι καὶ σκιάσαι ἐς θέον καὶ τοῦ μεγέθους τὸν λόγον καὶ τὴν τῶν μερῶν πρὸς τὸ ὅλον ἰσότητα καὶ ἁρμονίαν, haec omnia verae artis esse exponat, quarum rerum illa γότα (τὸ σκιάσαι) tantum partem esse aliquam apparet. Accedit quod non satis intellegitur, qua ratione verba οἷτοι ἡμῶν τὸν πηλὸν τῆς τέχνης παματοῦσιν et verba τῶν δ' αὖ γότων, εἰ καλῶς ἔχει καὶ κατὰ τὴν τέχνην, οὐ πολὺν ποιοῦνται λόγον inter se opponantur. Πηλὸς τῆς τέχνης, lutum artis, quid sibi velit, vel per se ipsum satis apparet: est enim materia, qua artifex rem aliquam fingens utitur: hoc igitur loco argumentum est, quod Zeuxis imagine sua expressit, quod artificii minoris momenti est prae ceteris rebus, quibus in elaborandis quid arte sua possit ostendere licet. Verbis igitur quibus illos vituperat, quippe qui, cum artis omnino imperiti sint, materiam tantum et argumentum laudent, fieri non potest, quin a Luciano ea verba opposita sint, quibus artis ipsius ratio habeat. Cui argumentationi satisfacit codex Vaticanus M, cuius scriptura, si recte eam interpungimus, aptissimus sententiarum conexus praebetur: οἷτοι γὰρ τὸν πηλὸν τῆς τέχνης παματοῦσι, τῶν δ', ἐγ' ὅτῳ, εἰ καλῶς ἔχει (sc. ἢ εἰκόνη), καὶ κατὰ τὴν τέχνην (sc. καλῶς ἔχει ἢ εἰκόνη), οὐ πολὺν ποιοῦνται λόγον. Illi enim lutum tantum artis nostrae laudant, quatenus vero, si imago, ut aiunt, vere pulchra est, secundum artis leges sit pulchra imago, id illis cordi omnino non est. Neque repugnamus, si qui verbis εἰ καλῶς ἔχει καὶ κατὰ τὴν τέχνην unam effici sententiam malunt; idem enim hac atque illa verborum distinctione efficitur, dummodo recte addant: τῶν δ', ἐγ' ὅτῳ, εἰ καλῶς ἔχει καὶ κατὰ τὴν τέχνην, καλῶς ἔχει καὶ κατὰ τὴν τέχνην, οὐ πολὺν ποιοῦνται λόγον. Neque vero recte interpretatur Hemsterhusius (ap. Reitz.) et grammaticae repugnat rationi, cum verba latine ita reddit: eorum autem, propter quae debebat laudari, si bene et ex arte posita sunt, non multam habent rationem. Nam verba ἐγ' ὅτῳ respicere non possunt ad priora τῶν δ'. Potius haec verba ita interpretanda sunt, sicut verba quae sunt Dial. Deor. 17, 2, 111, 6 οὐχοῦν καὶ δεδέσθαι ἂν ἐπέμεινας ἐπὶ τοῦτο, vel Dial. Deor. 2, 2, 96, 17, ubi Iuppiter Amori ignoscere se his verbis dicit: ἐπὶ τοῦτοις αὐτοῖς ἐγὼ μὴ σε, i. e. hac condicione tibi ignoseo. Notum autem est et cuiusvis aetatis scriptoribus usitatum hoc genus dicendi. Pronomen vero ὅστις saepe Lucianus pro breviori pronomine ὃς usurpat neque ulla inter utrumque discrepantia usus videtur esse.

Quae si recte exposita sunt, codices Vaticanum P, Parisinum M, Palatinum 73 hoc loco foedissime interpolatos esse apparet idque ita, ut hic locus ad constituendas diversas codicum familias videatur aptissimus esse.

Sed id quoque ex hoc loco cognoscere possumus, quanti ad scriptorum verba recte interpretanda et ad sensum illorum referenda momenti sit distinctio verborum, quam nos appellamus interpunctionem, de qua luculentissime, ut solet, disputavit Vahlenus (Ind. lect.

aest. Univ. Berol. 1880). Atque in Luciani quoque verbis distinguendis et disponendis persaepe non ea qua necesse erat diligentia viri docti nisi sunt neque semel sed saepius iniuria coniecturis verba vexaverunt, quae recte disiuncta et disposita nulli sunt offensione. Etenim non recte editores intellexisse mihi videntur verba ea, quae sunt Zenx. 12. 65. 38, ubi Lucianus orationunculae fine facto ad suam rem redit his verbis, quas, cum illi interpretationi, quam modo proposuimus, non medioeriter mihi videantur suffragari, omnes exseribo: *ὥρα τοίνυν με σκοπεῖν μὴ καὶ τοῦτον ὅμοιον ἢ τῷ Ἀντιόχῳ, τὰ μὲν ἄλλα οὐκ ἄξια μάχης, ἐλέγαντες δὲ τινες καὶ ξένα μορμολύκεια πρὸς τοὺς ὁρῶντας καὶ θανατοποιῶν ἄλλως. ἔκτενα γοῦν ἐπαυροῖσι πάντες. οἷς δ' ἐγὼ ἐπεποίθην, οὐ πᾶν ταῦτα ἐν λόγῳ παρ' αὐτοῖς ἔστιν, ἀλλ' ὅτι μὲν θήλεια ἱπποκένταυρος γεγραμμένη, τοῦτο μόνον ἐκπλήττορτι καὶ ὥσπερ ἔστι, καιρὸν καὶ τεράστιον δοκεῖ αὐτοῖς, τὰ δ' ἄλλα μάτηρ ἄρα τῷ Ζεΐξιδι πεποίηται.* Haec verborum distinctio Iacobitzio, Dindorfio, Bekkero, Sommerbrodtio editoribus probatur. Parum probabiliter, ut videtur. Nam ita potius seiungenda verba esse existimo: *τοῦτο μόνον ἐκπλήττορτι καὶ, ὥσπερ ἔστι καιρὸν, καὶ τεράστιον δοκεῖ αὐτοῖς*: id unum admirantur et, ut novum est, admiratione quoque dignum eis videtur, i. e. omnia quae nova sunt propter hanc ipsam novitatem eis videntur admiratione digna, verae autem artis rationem habent nullam. — Facilius ea quoque verba, quae sunt Nigr. 1. 299. 17, iudicamus intellegi ita seiuncta: *ὁδοῦ πάροργον ἦκω σοι εἰδόμεν τε καὶ μακάριος γεγενημένος καὶ — τοῦτο δὴ τὸ ἀπὸ τῆς σκηρῆς ὄρομα — τρισόλβιος.* Eodem modo medela afferri potest ei loco, qui est Scyth. 8. 19. 8, ubi de auctoritate qua apud Athenienses Solon utatur Toxaris haec disserit: *οὐ γὰρ μικρὸν ἦν Σόλων ἐπαυρῶν, ἀλλ' οἱ ἄνθρωποι καὶ τοῦτο ὡς ρομοθέτη ἐπείθορτο, ἐγίλον, οἷς ἐκείνος δοκιμάζει, καὶ ἐπίστευον ἀρίστον ἀνδρα εἶναι.* Constat Luciani scripta abundare sententiis, quae inter alias sunt interposita (cf. Guttentag, de Tox. p. 38. Schwidop. observ. Luc. I 22 s. Schmid. Attic. III 326) idque dicendi genus hoc quoque loco ita usurpatum iudicamus, ut interpungatur: *ἀλλ' οἱ ἄνθρωποι — καὶ τοῦτο ὡς ρομοθέτη ἐπείθορτο — ἐγίλον οἷς ἐκείνος δοκιμάζει καὶ ἐπίστευον ἀρίστον ἀνδρα εἶναι.* Coniectura igitur (*ἐπείθορτο, ὅτι*), quam Rothsteinus l. l. 121 proposuit, omnino opus non est.

Non recte viri docti duobus aliis de quibus iam disputatio fiat locis verborum relationem et rationem intellexerunt. In ea enim prolalia, quae ab Herodoto nomen traxit, huius praestantissimi scriptoris dicendi virtutes imitari se non posse ait Lucianus; eodem autem quo illum modo et ipsum et quolibet efficere posse, ut brevi omnibus Graecis cognitus sit (10,33): *ἂν δὲ ἐποίησεν ἐπὶ τοῖς συγγράμμασι καὶ ὡς πολλαχῶς τοῖς Ἑλλήσι γινώσκουσιν ἐν βραχεὶ κατέστη, καὶ ἐγὼ καὶ σὺ καὶ ἄλλος ἄν μιμησάμεθα.* Is est Iacobitzii textus, cuius ex critica quae dicitur adnotatione apparet vocem *γινώσκουσιν* non in omnibus libris manu scriptis exstare. Ex Sommerbrodtii editione videtur coniciendum esse Lucianum scripsisse *καὶ ὡς πολλαχῶς τοῖς Ἑλλήσιν ἅπασιν γινώσκουσιν ἐν βραχεὶ κατέστη.* Editores haeserunt in voce *πολλαχῶς*, quam Bekkerus ex verborum continuatione omnino reiecit, Sommerbrodtius commutavit in *πολλαχόσε*. Atque iam Iacobitzius quidem vitium in hac voce quaerendum esse statuit. Quae dubitatio inde orta est, quod omnes interpretes ei vocabulo loci quandam significationem inesse putant, id quod et ex Hemsterhusii interpretatione 'omnibus in locis' et ex Sommerbrodtii coniectura intellegitur. Sed non multis locis, sed uno loco, Olympiae, omnibus Graecis Herodotus innotuit idque vocabulo *ἅπασιν* significatur, quod eodiei Gorgiensiis librarii diligentia servatum ad verborum rationem recte intellegendam omnino necessarium est. *Πολλαχῶς* autem est 'multis rationibus'. Idque huic loco aptissimum est et

accomodatum. Referenda est enim illa vox ad ea verba, quibus inenunte orationeula diversas Herodoti virtutes commemorat easque tales, quales neque ipse neque alius quisquam assequi possit: οὐ πάντα γημί . . . ἀλλὰ . . . κάλλος τῶν λόγων ἢ ἀρμοσίαν αὐτῶν ἢ τὸ οἰζειν τῇ ἰονίᾳ καὶ προσγεῖς ἢ τῇς γνώμης τὸ περιστῶν ἢ ὅσα μυσία καὶ ἐκείνους ἕμα πάντα συλλαβὼν ἔχει. Has omnes virtutes, cum Olympiam Graeci omnes ad ludos agendos convenissent, iis qui audiebant ostentavit et ita multis ille rationibus (πολλὰς) Graecis omnibus innotuit.

Subsequentibus verbis postquam Herodotum in multis Graeciae urbibus libros suos recitare sprevisse Lucianus exposuit, ita pergit (11.7): οὐκ οὐκ ἤξιον διασπᾶν τὸ πρῶγμα οὐδὲ κατὰ διαίρεσιν οὔτω κατ' ὀλίγον ἀγείρων καὶ συλλέγων τὴν γνώσιν. ἐπεβούλενε δὲ, εἰ δυνατὸν εἴη, ἀθρόους πον λαβεῖν τοὺς Ἑλλήνας ἅπαντας. Pro ἀγείρων καὶ συλλέγων iam Graevius ἀγείρειν καὶ συλλέγειν scribendum iudicavit idque et Dindorfius et Bekkerus in textu posuerunt. Sommerbrodtius autem Iacobitzii coniecturam secutus οὐδὲ vocabulum ut librarii errori debitum ex continuatione verborum removit, qua coniectura non sanatur locus, sed obscuratur potius, cum iam minus clare appareat, quem ad modum opposita sint haec verba eis quae sequuntur: ἐπεβούλενε δὲ, εἰ δυνατὸν εἴη, ἀθρόους πον λαβεῖν τοὺς Ἑλλήνας ἅπαντας, quibus quantopere Herodoti interfuerit uno loco in universos Graecos incidere dicitur. Nolebat igitur, ut Lucianus exponit, extendere negotium neque distrahere, ne ea quidem condicione, ut sibi contingeret, ut diversis locis recitans (κατὰ διαίρεσιν οὔτω) minutis particulis i. e. paulatim (κατ' ὀλίγον) omnium universam notitiam sibi compararet. οὐδὲ non est neque sed ne-quidem: neque κατὰ διαίρεσιν idem est atque κατ' ὀλίγον, id quod Sommerbrodtius videtur statuere; additum est enim in illius editione καὶ ante κατ' ὀλίγον, quod num ex codice aliquo sumptum sit ex adnotationibus criticis intellegi non potest. κατὰ διαίρεσιν autem verba significant id quod efficit, κατ' ὀλίγον id quod efficitur. Eademque ratione qua hoc loco κατ' ὀλίγον usurpatur Tim. 23. 396. 35 ἐν ἀκαρεῖ τοῦ χρόνου ἀθλιος ἐχέῃ τὰ κατ' ὀλίγον ἐκ πολλῶν ἐπιτοκίων καὶ ἀρπαγῶν καὶ παρουργιῶν συνελεγμένα. Cur autem Herodotus nullo modo hoc negotium distrahere voluerit, prioribus verbis indicatur: ἐργασίας καὶ μακρὸν ἡγεῖτο εἶναι καὶ τριβὴν οὐ μικρὰν ἐν τῇ τοιοῦτῳ ἔσεσθαι, et ad haec verba illud οὔτως quod paulo infra sequitur referendum est. —

Notum atque Luciano quoque usitatum est illud anacoluthi quod grammatici dicunt genus, quo ad particulam μὲν non refertur δὲ, sed alia quaedam particula, velut μέντοι vel ἀτάρ vel tale aliquod vocabulum. Cuius usus exemplum est is quoque locus, quem Sommerbrodtius summa iniuria temptavit, qui est Scyth. 9. 19, 20. Etenim postquam de Anacharsi a Toxaride Athenis comiter excepto et protecto non pauca dissernit, ad exitum properans ita pergit: γημί δὲ ὁμοίων τι καὶ αὐτὸς παθεῖν τῷ Ἀναχάρσιδι καὶ πρὸς Χαρίτων μὴ γεμισθήσῃτε μοι τῆς εἰκότος, εἰ βασιλικῇ ἀνδρὶ ξυαντὸν εἴσασα. βάρβαρος μὲν γὰρ καὶ κεῖνος καὶ οὐδὲν τι γαίης ἂν τοῖς Σύροις ἡμῶς γυναιτέρους εἶναι τῶν Σκυθῶν. ἀτάρ οὐδὲ κατὰ τὸ βασιλικὸν ἐδοιοῦν τέμει ἐς τὴν ὁμοιότητα, κατ' ἐκείνα δέ. Sequenti orationeulae parte extrema idem sibi atque Anacharsi contigisse narrat, ut in hac ubi moraretur urbe statim sicut Scythia ad Solonem ita ipse ad principem oppidi deduceretur. Sommerbrodtius μὲν particulam ut ineptam e verborum continuatione removit et concedendum sane est eam sententiam deesse, quae verbis βάρβαρος μὲν γὰρ respondeat. Sed cum Anacharsin ipsum fuisse barbarum hominem monet, id efficere vult, ut suo se iure cum illo se comparavisse concedatur, cum Syrorum nationem Scythiis postponere non liceat. Sed — haec sententia

ab oratore omissa est more suo ad id, de quo maxime agit, properanti — Anacharsis ille rex est et cum rege se comparare oratori non licet. Hae sententia omissa orator statim ad regiam illius Scythiae dignitatem omnino se non respicere ait; casu factum esse, ut is, cui idem atque sibi contigerit, cui se conferat, sit rex. Apparet illud *μὲν* non modo interpolatum non esse, sed etiam necessarium, ut sententiarum ordo et conexus perspicuiatur.

Recte igitur Rothsteinius (Quaest. Luc. 108) cavendum esse monet, ne editorum mutationibus saepe inutilibus, non raro perversis animus a sensu scriptoris bene intellegendo et recte interpretando abducatur. Sunt enim loci non nulli, ubi qui verba leviter percurrit neque ea accuratius investigare et animo assequi studet, invitari videatur et excitari, ut coniectura scriptorem temptet. Exemplo utamur eo loco, qui est Electr. 6. 27, 41, ubi Lucianus ea, quae de sucino et cyenis disputavit, in suum usum vertens hunc in modum pergit: *καὶ γὰρ νῦν δέδωκε ἑπὶ ξυαντοῦ μὴ ἔμελλε ἄρτι ἀγχιγμένοι καὶ τοῦτο πρῶτον ἀχροασάμενοι ἡμῶν ἡλεκτροῖά τινα καὶ κύβινους ἐλπίζαντες εὐρήσκειν παρ' ἡμῶν ἔπειτα μετ' ὀλίγον ἀπέλθῃτε κατεργελοῦντες τῶν ἐποσχομένων ἡμῖν πολλὰ κειμήλια ἐνεῖναι τοῖς λόγοις.* Qui haec verba celeriter transcurrit, ei coniectura ἀχροασάμενοι quasi obtrudetur neque mirum est, quod Bekkerus eam etsi dubitanter proposuit; neque hanc scripturam aptissimum sententiarum conexum ita praeberere negari potest, ut verba *καὶ τοῦτο πρῶτον ἀχροασάμενοι ἡμῶν* ad verba quae proxime antecedunt ἀρτι ἀγχιγμένοι referantur. Sed tria illa particippia ἀγχιγμένοι-ἀχροασάμενοι-ἐλπίζαντες omnia ad verbum ἀπέλθῃτε referenda sunt, quo tota sententia quae a particula *μὴ* incipit quasi celeritate quadam tendit. Ea ipsa de causa ea verborum distinctione qua editores usi sunt sententiarum conexum perturbari indicamus, et Dindorfii et Jacobitzii distinctione, qui post ἀγχιγμένοι et ἡμῶν et ἡμῖν interpungunt, et Bekkeri post ἡμῶν et ἡμῖν interpungentis. Verba omnino non discernenda sunt. Clara autem et perspicua fit sententia verbis μετ' ὀλίγον-τοῖς λόγοις animo positis post μὴ ἔμελλε. In verbis igitur *καὶ τοῦτο πρῶτον ἀχροασάμενοι ἡμῶν* ea inest sententia, ut significant: quamquam primum me audivistis, tamen brevi postquam dicendi initium feci omni ex spe deturbati statim me reiecit neque expectatis, num postea aurum illud et electrum in verbis meis appareat.

Hic de quo disputavimus locus exemplum est eius dicendi generis, quo Lucianus sententias interdum suis locis moveat totamque orationem quasi distorqueat, quod genus et inde videtur ortum esse, quod non eandem diligentiam in omnibus libris conscribendis et perpoliendis videtur posuisse, et inde, quod non semel sed saepius celeritate quadam et vi eo tendit, quod summum ei est.

Quae cum ita sint, et aliis locis et Harmon. 1. 13, 28 interpretes verba quae codicibus tradita sunt iniuria temptare videntur. Harmonidem enim illum tibicinem narrat rhetor gloriam appetentem ex Timotheo magistro quaesivisse, quo modo sibi contingeret, ut ad summum in arte sua et gloriae et gratiae ascenderet gradum. Iam ita pergit: *ὁσπερ ὅτε καὶ σὺ, ὦ Τιμόθεε, τὸ πρῶτον ἐλθὼν οἰκοθεῖς ἐκ Βοιωτίας ἐπηρέλησας τῇ Ἡαρδιονίδι καὶ νικήσας ἐν τῷ Αἰάρτι τῷ ἐμμανεῖ τοῦ ὁμωνύμου σοι ποιήσας τοὺς μέλους, οὐδέ τις ἦν ὃς ἡγροῖε τοῦτομα, Τιμόθεος ἐκ Θηβῶν.* Cum pro νικήσας quae est codicum scriptura editores excepto Jacobitzio omnes in textu posuerint ἐρίχσας, hae coniectura eum sententiarum processum, quem Lucianus praeberere voluit, mihi videntur perturbavisse. Quod vitium inde ortum est, quod νικήσας cum insequentibus verbis ἐν τῷ Αἰάρτι τῷ ἐμμανεῖ coniungendum putabant: referendum id esse arbitror ad priora verba ἐπηρέλησας τῇ Ἡαρδιονίδι, verbum autem ἐπηρέλησας post καὶ νικήσας animo addendum et cum verbis ἐν τῷ Αἰάρτι τῷ ἐμμανεῖ

coniungendum esse: ἐπηύλησας τῇ Παρδιονίδι καὶ νικῆσας (sc. ἐν τῇ Παρδιονίδι ἐπηύλησας) ἐν τῷ Αἴαντι τῷ ἐμμελεῖ . . ., οὐδέεις ἦν ζ. τ. λ. Haec enim videtur in illis verbis sententia inesse: Timotheum cum ex patria venerit nemini cognitum primum artem suam praestitisse in tragoedia, quae a Pandione illo rege nomen traxerat, et victorem evasisse; eumque victor deinde in Aiace iterum in publicum prodierit, iam omnibus nomen eius notum fuisse; ἀλλ' ἐνθ' ἂν καὶ νῦν γανῆς, pergit Harmonides, σερθέονσαν ἐπὶ δὲ πᾶντες ὥσπερ ἐπὶ τὴν γλαῦκα τὰ ὄρηα. Tres igitur gradus inter se discernuntur: nemini notus erat in Pandionide, victoria in Pandionide reportata nomen eius, cum in Aiace prodiret, iam omnibus erat notum, illis autem ipsis temporibus, quibus Harmonides ad Timotheum verba facit, omnibus ille erat non solum notus sed desideratus. Maiorem perspicuitatem Lucianus orationi ita asserere poterat, ut scriberet: ὥσπερ, ὅτι καὶ σὺ, ὦ Τιμόθεε, τὸ πρῶτον ἐλθὼν οἴχοθεν ἐξ Βοιωτίας ἐν τῇ Παρδιονίδι νικῆσας ἐπηύλησας τῷ Αἴαντι . . ., οὐδέεις ἦν ὃς ἡγροῖ τοῦτομα. Commutatis inter se verbis νικῶν et ἐπανελὼν rhetor sententias pertorsit, non quo quid vellet non satis dilucide proponeret. Cui rationi id non obstat, quod ad ἐπηύλησας et dativum τῇ Παρδιονίδι et verba ἐν τῷ Αἴαντι referre cogimur. Iam Fritzschius (Qu. L. 166) coniecturam ἐνίκησας repudians librorum scripturam ita defendit, ut anaecoluthon vel aposiopesis quam dicunt ante verba οὐδέεις ἦν ζ. τ. λ. statuendam esse indicet, qua interpretatione illum sententiarum progressum, de quo supra disputavimus, servari concedendum est.

Notissimum est illud rhetorice dicendi genus, quo pronomē demonstrativum ad aliquod vocabulum quod antecedit illud iterans refertur, qua relatione sermoni maior perspicuitas affertur; quam figuram grammatici epanalepsin vocant, de qua re Bernhardys (Synt. 283 ss.) non pauca disseruit. Cuius generis apud Lucianum quoque exempla exstant non nulla, velut Bis accens. 31. 17, 1, ubi pronomē αὐτὸν ad vocem ὄν (sc. τὸν διάλογον 16. 38) refertur, qui accusativus a verbo suo εἰθισα multis attributis scinnctus est. Alii eiusmodi loci sunt Dips. 2. 8. 13 s., Prom. i. verb. 5. 19, 21 s., Voc. ind. 6. 59, 29 s. Non οὗτος sed ἐκεῖνος usurpatur Harm. 3. 15, 13 s. Ab hac dicendi ratione altera illa differt, qua καὶ οὗτος eadem fere sententia qua καὶ αὐτός usurpatur, et iniuria duo haec dicendi genera quasi idem ita confundit Schmidius (Attic. I 239), ut omnino nulla discrepantia inter ea interesse videatur. Omnibus enim eis locis, quos post eum qui est Vocal. ind. 89 affert, καὶ οὗτος ea ratione ponitur, ut ad idem vocabulum duas sententias referendas esse perspicuiatur, exceptis duobus illis locis qui sunt Iup. trag. 30. 146, 38 et Conc. Deor. 4. 125, 24, ubi καὶ αὐτός positum est. De omnibus his locis nulla dubitatio esse potest et verba καὶ αὐτὰ quae sunt Iup. trag. 30, 146, 37 nisi ei qui eum locum leviter consideraverit, quo referantur, perspicuum non est. Pertinent enim eo, quod Apollo supra (c. 29. 146, 29) ut Timocli patronus vel interpres adiungeretur suaserat, cum nulla venuste dicendi facultas in eo viro esset, Apollo igitur Timocli confertur. Iam Fritzschius (Qu. L. 33 ss.) de hoc dicendi genere accuratius disputavit, unde quo illa verba καὶ οὗτος referenda sint non omnibus locis extra omnem dubitationem positum esse facile intellegitur.

II. Quod plurimis quibus Lucianei libelli traditi sunt codicibus melioribus contigit, ut virorum doctorum de eis iudicia valde inter se discrepent, id codici Gorlicensi praeter ceteros accidit, quippe quem Iacobitzius et Fritzschius tanti aestimaverint, ut eum maxime in textu qui vocatur constituendo sequerentur, Rhodius in appendice libelli quem de Asino edidit (p. 44s.) utpote omnino observantia indignum abiecerit, Sommerbrodtius in editione

sua (II 2 praef. p. VII) ipse quoque minorum gentium esse indicaverit, cum eum in primi voluminis praefatione ab optimorum codicum praestantia proxime abesse censuerit. Neque melius de eo indicium fecit Siemonsenus (Quaest. Luc. Hadersleb. Progr. 1865). Quicumque autem varias librorum inter se contulerit scripturas, ei facile apparebit omnes codices ab uno duobusve libris manu scriptis ortos esse, in quibus iam iniuria temporis opuscula Luciani non medioeriter depravata erant. De ratione autem, quae inter omnes codices Lucianos videatur intercedere, Maximilianus Rothsteinus (Quaest. Luc. Berol. 1888) disseruit ille quidem, nec tamen eam quaestionem absolvit. Neque vero nobis hoc loco id munus suscipere in animo est, sed de non nullis locis disseremus, unde intellegi posse putamus iniuste facere eos, qui codicem Gorlicensem ad verba scriptoris constituenda nullius esse momenti indicent, quamquam illum non ea laude dignum esse fatendum est, quam ei concesserunt Iacobitzius et Fritzschius.

Ac primum quidem videamus eum locum, qui est Somn. 3. 3. 25, ubi Lucianus, postquam patrem deerevisse narravit, ut filius statuariam artem amplecteretur, ita pergit: *ἄμα τε οὐκ ἐπιτήδειος ἐδόκει ἡμέρα τέχνης ἐνέρχεσθαι, καὶ παρθεδόμῃ τῷ θεῷ μὰ τὸν Αἴ' οὐ σφόδρα τῷ πράγματι ἀχθόμενος, ἀλλὰ μοι καὶ παιδιὰν τινα οὐκ ἀτερπῇ ἐδόκει ἔχειν καὶ πρὸς τοὺς ἡλικιώτας ἐπίδειξιν, εἰ γαστρούμῃ θεοὺς τε γλέσσων καὶ ἀγαλμάτιά τινα μικρὰ κατασκευάζων ἐμὰν τῶν τε καὶ αἰετοῖς, οἷς προσηρούμῃ. καὶ τό γε πρῶτον ἐκείνο καὶ σίγηθες τοῖς ἐρχομένοις ἐγίνετο.* Insequentibus verbis exponit imperitia sua et inscitia iram magistri adeo se excitavisse, ut sentientia ab eo verberatus fuga salutem peteret domumque rediret. In proponendis illis verbis, de quibus disserimus, Iacobitzium secutus sum, quem ex signis, quibus in distinguendis verbis usus est, ea ita interpretari colligendum est, ut significant: 'Vix idoneus dies, quo arte imbuerer, adesse videbatur, cum statim (id enim plusquamperfecto *παρθεδόμῃ* significatur) avunculo traditus sum hand graviter, hercle, hanc rem ferens, quippe quae non medioeriter me etiam invare posse et laudem mihi amicorum comparatura esse videretur, si et deos sculperem et simulacra quaedam parva concinnarem cum mihi ipsi tum eis quibus vellem. Atque tum quidem illud, quod primum et usitatum tironibus evenire solet, mihi accidit.' Illud *τε*, quod particulae *ἄμα* adnectitur, utrum ita intellegendum sit, ut eo haec sententia cum antecedenti coniungatur, an ita potius, ut ad *καὶ* particulam quae sequitur respiciat, dubitatio esse potest. Neque enim raro Lucianus particula *τε* utitur non ad singulas voces, sed ad totas sententias inter se coniungendas, quem dicendi usum ex veteribus scriptoribus in primis Thucydidi acceptum atticeissantes scriptores libenter sequi Schmidius docet (Atticism. I 179, II 309, III 313), quem tamen virum doctum de Luciano huius particulae usu nulla facere verba mirum sane est; nam is et polysyndetica quam vocant verborum coniunctione libentissime utitur et ad verba polysyndeticæ coniungenda ipsam illam particulam *τε* in omnibus libris ceteris tam largiter adhibet, ut mirationem sane moveat Zenxis, quippe in quo libello ne semel quidem haec particula legatur. Cuius rei num causa ea sit, quod qua aetate is libellus scriptus est ea rhetor iam novum scribendi genus amplexus erat (cf. Rothstein, Qu. L. 118), dubium sum. Altera autem interpretandi ratio, qua particulam *τε* insequenti particulae *καὶ* respondere censemus, magis nobis arridet. Etenim nota et Luciano quoque usitata est ea duas sententias particulis *ἄμα-καὶ* adhibitis coniungendi ratio, qua duas res eodem fere tempore fieri exprimitur, ubi sermo satius coniunctione cum utitur idque illo cum, quod inversum fere dicitur. Velut Tim. 20. 95. 37 leguntur haec: *ἄμα γοῦν ἔπεισεν ἡ ὑστέρησις, καὶ γὰρ ἦδη ἀνακλονύττομαι νεκρικῶς,*

et Philops. 24. 219, 17 ἅμα δ' οὖν ἔγωγε ἅπαντα ἀκριβῶς ἑωράκειν, καὶ τὸ χάσμα συνέμεναι καὶ τινες τῶν οἰκετῶν ἀναζητοῦντές με . . ἐπέστησαν οὐπω τέλειον μενέζοτος τοῦ χάσματος. Hoc igitur de quo disserimus loco Somnii particula τε addita videtur esse particulae ἅμα non aliter, atque Ant. 5.65 οἱ παροργίζοντες ἅμα τε παροργίζουσι καὶ πρόφασιν εἰρίζονουσι τοῦ ἀδικήματος. Sed ne hanc quidem interpretationem veram esse indicamus. Nam iam Fritzschius in plusquamperfecto παρεδεδόμην, quod optimis libris traditum est (in Gorlicensi codice mero librarii errore factum παραδεδόμην), ita haesit, ut Hemsterhusii coniecturam παρεδιδόμην probatam Schwidopio (observ. Luc. Spec. IV. Königsb. 1867. p. 3) in verborum contextu poneret. Sed plusquamperfectum ita defendi potest, ut supra exposuimus, ut statim et eodem puncto temporis puerum avunculo traditum esse eo significetur. Gravius est illud, quod sententiarum conexus, qui verbis καὶ τὸ γε πρῶτον x. t. λ. efficitur, paene nullus est, cui difficultati Fritzschius ita mederi studet, ut post προηροούμεν non nulla deesse arbitratus haec fere addat: μικρῶν δ' ἑστέρον ἀγόρευτον τὸ πρῶτον ἐφαίνετο καὶ τὸ γε πρῶτον ἐξείρο καὶ συνέηδες τοῖς ἀρχομένοις ἐγίγνετο, vix tolerabile id quoque; etenim post ea quae Fritzschius supplevit expectare debemus: τὸ γὰρ πρῶτον . . ἐγίγνετο. At nulla verborum commutatione opus est, quin omnia prospere succedunt, si codicem Gorlicensem ducem sequimur. Is enim pro τὸ γε πρῶτον praebet: καὶ τότε πρῶτον. Neque vero hanc scripturam ita intellegimus, ut Fritzschius, cum (Quaest. Luc. p. 1 s.) haec verba ita interpretatur: tum quoque primum illud et suctum iis, qui incipiunt, accedit. Immo illud τότε scribendum putamus τὸ τε, ut τε particula subsequenti καὶ respondeat, verba τὸ τε πρῶτον ἐξείρο καὶ συνέηδες τοῖς ἀρχομένοις significent: id quod et primum et usitatum tironibus. Saepius Lucianus duo adiectiva hoc modo coniungit: Hermot. 30. 183, 29 τὰ θηθῆ τε καὶ ψευδῆ, ibid. 68, 201, 10 τὸ γε μέγιστόν τε ἅμι καὶ ἀναγκαιότατον, et paulo infra τοῖς ἀδύλοις τε καὶ ἀμυβόλοις, Alex. 4. 72, 30 τὸ τε (Bekk. τὸ γε) περιέργον καὶ ἐμαθέξ, his quoque locis illa adiectiva arte coniecta eodem articulo complectens. Illud καὶ autem, quod post προηροούμεν est, particulae ἅμα respondere indicamus, cum altero illo καὶ, quod est in καὶ γὰρ παρεδεδόμην, verbum ἐδόκει arte coniunctum sit cum παρεδεδόμην, verbis autem ἀλλά μοι usque ad προηροούμεν interpositis ceterorum verborum continuationem interrumpi. Neque raro cum apud ceteros scriptores tum apud Lucianum ea orationis structura invenitur, qua verborum continuatio sententia alia interrumpatur, quae ad eam quae antecedit sententiam explicandam et interpretandam in media sententiarum continuatione interponitur. Quae sane sententia quamquam cum antecedenti coniecti quodammodo et coniungi solet particulis quibusdam, vel γὰρ vel δέ, tamen sunt quoque loci, quibus desit particula copulativa: Mere. Cond. 19. 132, 20 ἡ παιδεία εἴη αὐτῷ παιδενύσειος δέομενοι, Hermot. 77. 205, 34 εἴ τις ἐγγρητῆς ἐστί σοι ὅτι βιώσῃ τοσαῦτα. Cumque Somnii libellus, de quo disserimus, oratio sit vel habita vel ficta — qui libellus num in προλαλιῶν numero cum Schmidio (Philol. 1892. 72 ff.) habendus sit dubitamus neque vero Croisetum in eo libro, quem de Luciano composuit, ei satisfecisse putamus — ne id quidem nos perturbat, quod sententia, quam interpositam interpretamur, praeter modum fere ac consuetudinem ampla videtur esse. Cui amplitudini pronuntiatione orator occurrere et mederi potuit. Neque breviores sunt sententiae, quae Hermot. 71. 203, 2—5 et Prom. 12. 79, 5—7 interpositae sunt.

Quae si recte de Somnii loco exposita sunt, is ita videtur interpretandus esse: vix idoneus quo arte imbuerer dies adesse videbatur et vix avunculo traditus eram non graviter rem, herele, ferens — quin iuvatura etiam et laudem amicorum comparatura mihi videbatur, si

deos vere sculpterem et simulacra concinnarem parva quidem et mihi et eis quibus in animo esset — eum id, quod et primum et usitatum tironibus fere contingit, accidit e. q. s.?

Neque meliore iure ab editoribus in initio Somnii (I. 1, 3) particula *μὲν* post *τοῖς πλείστοις* reiecta nobis videtur imo codice Gorlicensi servata, cui si particulam *οὐν* respondere censuimus (2. 1. 9 *δεντίρας οὐν σκέψεως ἀρχὴ προϋτίθη*), totam disputationem ea perspicuitate, quae Luciani arte digna sit, existere confitendum est. Etenim verbis *τοῖς πλείστοις μὲν οὐν* — *ἀλλὰ τὸ γιγνώμενον* exponitur, quae de re primum deliberaverint, scilicet de *παιδείᾳ* quam vocant, quam artem rhetoricam esse interpretes fere interpretantur, cogitari exiguum rem familiarem vetare, enim tamen sordidarum istarum artium aliqua, si puer ei se dedisset, mederi posset. Insequentibus ex verbis quae de altera re disputaverint discimus, scilicet euniam artium illarum puer tradendus videatur, ut haec sit tabula sententiarum: *A. τοῖς πλείστοις μὲν οὐν . . . a) παιδεία μὲν . . . b) τὰ δ' ἡμέτερα . . . c) εἰ δέ τινα τέχνην . . . α) τὸ μὲν πρῶτον . . . β) οὐκ εἰς μικρὰν δέ . . . B. δεντίρας οὐν σκέψεως . . .* Neque haerere debemus in eo, quod antecedenti *μὲν* non respondet *οὐν*, quod exspectamus; non raro enim Lucianus ita loquitur.

Ibid. 4. 4, 6 narrat Lucianus multis eum lacrimis domum se ad matrem revertisse eunique ea quid sibi acciderit conquestum esse: *ἀγανακτισαμένης δὲ τῆς μητρὸς*, ita pergit, καὶ πολλὰ τῇ ἀδελφῇ λοιδορησαμένης, ἐπεὶ γὰρ ἐπὶ λῆθι, κατέδαρθον ἔτι ἔνδοκρον x. t. λ. Quo loco participia *ἀγανακτισαμένης* et *λοιδορησαμένης* artiore vinculo eum insequenti verbo *κατέδαρθον* ita coniuncta esse apparet, ut causam, cur tandem puer, ubi appetiverit nox, obdormiverit, significant. Quae in re vel id dubitationem movet, quod verbi *ἀγανακτεῖν* activam fere formam ab scriptoribus usurpari constat neque apud Lucianum aliis locis medium pro activo reperiri videtur. Gravius autem est illud, quod ira et indignatione matris factum esse, ut puer somnium tandem caperet, dici vix potest. Recepta autem in textum ea scriptura, quam eod. Gorl. praebet, et omnia aptissime inter se cohaerent et tota rerum descriptio multo alacrior fit; est enim in hoc codice: *ἀνακτισαμένης δὲ τῆς μητρὸς x. t. λ. ἀνακτισθαι* est vindicare, recuperare, velut Tox. 55. 244. 10 ss. de Arsacoma, qui amicos vulneratos ex manibus hostium eripuit, haec sunt: *ὁ δὲ ἀνακτισάμενος τοὺς φίλους καὶ τοὺς ἄλλους ἅπαντας παρακαλέσας ὄρμησεν ἐπὶ τὸν Ἀδύρμαχον x. t. λ.* Phalar. I. autem (3. 43, 28) tyrannus de se praedicat: *τὴν δὲ πόλιν . . . ἐδάτωρ τε ἐπιρροῖαις ἀνακτισάμενη x. t. λ.*, ubi *ἀνακτισθαι* est reficere et in meliorem statum reducere. Simili modo alii scriptores id verbum exhibent, velut Polybins (III 60, 7) *πολλὰν οὐν ποιούμενος πρόνοιαν Ἀντίβας τῆς ἐπιμελείας αὐτῶν ἀνακτᾷτο καὶ τὰς ψυχὰς αἷμα καὶ τὰ σώματα τῶν ἀνδρῶν, ὁμοίως δὲ καὶ τῶν ἱππῶν.* Cf. III 87. 3. Dionysius Hal. II 42 *τοὺς κεκμηχότας ἐπὶ τρωαίτων ἀνακτισάμενοι.* In eandem atque hoc de quo agimus loco sententiam Iosephus A. I. XI 6, 9 id verbum usurpat, ubi postquam Estherem metu regis fractam ac debilitatam esse narravit, ita pergit: *ὁ δὲ βασιλεὺς . . . δειδὼς περὶ τῆς γενναίας μὴ καὶ πείθῃ τι τῶν χειρόνων ἐπὶ τοῦ φόβου, ἀνεπήδησεν ἐπὶ τοῦ θρόνου καὶ ταῖς ἀγκύλαις αὐτῇ ἐπολαβὼν ἀνακτᾷτο κατασπάζόμενός τε καὶ προσομιλῶν ἡδύως καὶ θαρρεῖν παρακαλῶν καὶ μηδὲν ἐποπιτεῖν σκεθροπῶν, ὅτι πρὸς αὐτὸν ἄκλητος ἔλθοι.* Aptissima haec verba sunt, unde quid sit hoc de quo res est loco verbum *ἀνακτισθαι* facile intellegatur. Est enim idem ac sedare, lenire, vel quod nostra lingua dicimus 'wieder gut machen, gut zureden, beruhigen'. Huius autem significationis verbum et ad ea quae antecedunt et ad insequentem sententiam optime quadrant. Puerilia enim sunt, quae antecedentibus

verbis puer profert contra avunculum, ὅτι ὑπὸ γῥόρον ταῦτα ἔδρασε, μὴ αὐτὸν ἐπερβάλωμαι κατὰ τὴν τέχνην, et ut puerum placeat et leniat, mater ei assentitur et increpat avunculum efficitque, ut puer tandem obdormiat. Aptissima sane sententiarum ratio, quae interruptitur atque omnino perturbatur ea scriptura, quam ceteri codices praebent interpolati, opinor, hoc loco omnes, ubi unus cod. Gorl. genuinam formam servavit, quam unus Bekkerus in textu suo posuit.

Neque assentimur editoribus, qui Tim. 8. 392. 8 codices ceteroquin optimos secuti Mercurium de Timone haec dicentem faciunt: οὕτως μὲν εἰπὼν, χορηστῆς ἐπέτραιεν αὐτὸν καὶ φιλανθρωπία καὶ ὁ πρὸς τοὺς δεομένους ἅπαντας οἶκτος, ὡς δὲ ἀλλήθει λόγῳ, ἄρτια καὶ εὐήθεια καὶ ἀκρισία περὶ τῶν γίλων. Inter se opponuntur eum χορηστῆς, φιλανθρωπία, πρὸς τοὺς δεομένους ἅπαντας οἶκτος, tum ἄρτια, εὐήθεια, ἀκρισία. Sed haec tria verba, ἄρτια, εὐήθεια, ἀκρισία, eam unam stultitiam significant, qua continetur et εὐήθεια et ἀκρισία, quamquam Lucianum haec ponere posuisse negari non potest. At melius se habent, quae codice Gorl. servata sunt: ἄρτια, συνήθεια, ἀκρασία. συνήθεια codice quoque Marciano Ψ traditum est. Hanc scripturam si receperimus, orationem et optime variatam et eam habemus, qua Timonis indoles et mores, quales fuerint, accuratius et clarius explicetur et quomodo paulatim ex divitissimo viro factus sit διζελλίτης optime intellegatur. Consuetudine enim multorum hominum assuetus (συνήθειας), ex quibus qui veri amici essent, qui adulescentes, ne discerneret stultitia (ἀρτια) impediatur, non nullos sibi comparare amicos satis non habuit, sed in dies plures in societatem suam ascivit (ἀκρασία) et divitiarum suarum participes ac paene dominos eos fecit. Quocum consentiunt verba Iovis quae sunt 7. 392. 4 ὁ καλὸς ἐκείνος, ὁ πλοῖσιος, περὶ ὧν οἱ τοσοῦτοι γίλοι. Atque hae ipsa de causa Plutus recusat, ne ad eum se conferat (12. 393. 21) ὅτι γὰρ Δία ὑβρίζει εἰς ἐμὲ καὶ ἐξεγέρει καὶ ἐς πολλὰ κατεμήριξε, et paulo infra: αἰθερὶς οὐρ ἀπέλθω παρασίτοις καὶ κόλαξι καὶ ἱταίραις παραδοθησόμενος; aptissime, opinor, his ipsis verbis et ἄρτια eius et συνήθεια et ἀκρασία explicantur et illustrantur. Neque id silentio praeterendum est scriptura ea, quam praebet cod. Gorl., multo facilius corrigendi et interpolandi studium excitari quam altera ea, quae ceteris codicibus debetur.

Idemque dicendum indicamus de alio Timonis loco. Etenim e. 13 Iuppiter castigat Plutum, quod non raro aegre tulerit se inclusum in interiore domo a viris ad res suas attentis ac luce omnino privatum esse Timonemque obiurget, his verbis usus: διότι σοι τὰς θύρας ἀναπετάσας ἡγίει περινοστεῖν ἐλευθέρως οὔτε ἀποκλείων οὔτε ζηλοτυπῶν. ἐλευθέρως quod praebent ceteri libri manu scripti, si genuina est scriptura, aperte coniungendum est cum περινοστεῖν. At ἐλευθέρως scriptura cod. Gorl. servata quin unice vera sit minime dubium. De liberalitate enim Timonis hoc loco agitur et eam Iuppiter his verbis illustrare vult; coniectendum autem est hoc loco ἐλευθέρως et cum antecedenti ἡγίει et cum insequentibus participiis οὔτε ἀποκλείων οὔτε ζηλοτυπῶν. Et aperte neque paucis verbis liberalitatem aptissime describi confitendum est. Atque ipso vocabulo ἐλευθέρως liberalitas Timonis quasi laudanda non vituperanda, laus non vitium proponitur eodem modo quo Iuppiter toto colloquio Timonem excusare et absolvere studet. Scriptura autem ἐλευθέρως talis est, qualem ut corrigeret librarius vix adduci potuit, ἐλευθέρως vero falso coniunctum cum περινοστεῖν eum non intellexisset quid sibi vellet facili coniectura immutavit.

Neque aliter, opinor, res se habet Iup. conf. 10. 132, 22, ubi Cynisens, postquam deos ipsos voluntati atque arbitrio Parcarum esse subiectos Iovi exposuit, deum de natura

Pronoia, cuius obtreectatorum ex numero Cyniseum quoque nunc esse ille suspiciatur, his verbis interrogat: ἐγὼ δὲ . . . ἡδέως δ' ἄρ καὶ τοῦτο ἐροίμην σε, τίς ἡ Πρόνοια ἐστὶν αὐτῇ ἔστι. Μοῖρὰ τις ἢ καὶ ἑπὶ ταύτῃ θεὸς ὅσπερ ἄρχονσα καὶ αὐτῶν ἐκείνων; In omnibus excepto Goriicensi codicibus exstat ἄρχονσα et iniuria in his verbis haeret P. R. Muellers (Annal. Fleckeis. 1897. 6. p. 397), cum ὅσπερ quid hoc loco sibi velit explicari non posse arbitratur: nam cum antecedenti θεὸς ne illum particulam coniungamus, impediri nos indicat vel genere dicendi. At Dial. Mar. I. 1. 83, 1 haec sunt: καὶ τὰ μὲν κέρεα πύχρεις ὥσπερ ἡσόν, quod hyperbaton Schmidius quoque (Attic. I 419) affert. Neque intellegimus, quo iure Muellers et Wielandium et Paulyum eam quam dicit difficultatem evitare indicet, idque Wielandium, cum haec verba germanice ita reddat: ob etwa eine von den Parzen oder irgend eine noch groessere goettin, unter deren oberherrschaft auch sogar die Parzen stehen? Ac ne Bekkerum quidem verba recte interpretatum esse ex distinctione verborum, quam adhibuit, intellegitur. Ut autem et Bekkerus in his verbis haereret et Muellers, id eo factum putamus, quod ad participium ἄρχονσα supplendum esse ἐστὶ viri docti non intellexerunt. Non raro autem eum apud alios scriptores tum apud Lucianum id dicendi genus adhibitum invenimus, velut Iup. trag. 53, 155, 19 τὸ τοῦ Δαρείου πᾶν καλῶς ἔχον ἐστίν, ὃ εἶπεν ἐπὶ Ζωπύρον. Prom. 4, 76, 37 τὴν ἐν τῷ μέσῳ δὴ ταύτῃ σχολῇ καλῶς ἄρ εἴη ἔχον ἐς ῥαόσιν καταχρήσασθαι σοφιστικῇ. Coniectura igitur hoc loco omnino opus est nulla, nam aptissime haec verba sic, ut tradita sunt, explicantur hoc modo: 'Estne Parca quaedam an ultra eius auctoritatem sient dea Parcis quoque illis ipsis imperat?' Aptissime autem Cyniseus illud ita lovens verbis ἐπὶ ταύτῃ θεὸς ὅσπερ, cum paulo ante deos quoque sub dicione Parcarum esse demonstraverit. Nullam igitur offensionem habere codicum ceterorum scripturam indicamus neque tamen eam, sed scripturam codicis Gori. traditam genuinam esse contendimus: θεὸς ὅσπερ ἔχονσα καὶ αὐτῶν ἐκείνων. Difficilior sane est sed ea ipsa de causa mutata in eam scripturam, quae ceteris codicibus tradita est. Etenim gratissimum Luciano quoque est notum illud dicendi genus, quo ἔχειν coniungitur cum adverbio. Ex magno numero duo exempla afferimus: Nigr. 299, 3 ὅπως τε ῥῆν ἔχω, Hermot 30, 183, 10 εἰ καθάπερ ῥῆν ἔχω, quibus locis id effici indicamus, ut cum Lucianum videamus scripsisse οὔτως ἔχω, ὅπως ῥῆν vel καθάπερ ῥῆν, eundem non contempsisse argumentemur οὔτως ἔχω ὥσπερ θεὸς vel θεὸς ὥσπερ. Genetivi autem καὶ αὐτῶν ἐκείνων arete ita cum vocabulo θεὸς coniungendi sunt, ut genetivi qui dicuntur subiectivi vel possessivi videantur esse et θεὸς vocabulo quasi domina Parcarum significetur. Praeterea ut hanc interpretationem fuleamus, afferre liceat verba quae sunt Philostr. Vit. Apoll. 6. 36 p. 273 Μειράκιον ἑαυτοῦ μὲν ἀπαιδέυτως εἶχε, τοῦ δὲ ὁρις ἐπαίδευσεν, ubi ἑαυτοῦ μὲν ἀπαιδέυτως εἶχε idem esse atque ἑαυτῶν μὲν οὐκ ἐπαίδευσεν ex verbis quae illis opposita sunt τοῦ δὲ ὁρις ἐπαίδευσεν clare apparet. Quae cum ita sint, hoc de quo agitur loco verba nobis sic esse interpretanda videntur: id quoque mihi liceat te interrogare, quis vobis sit haec Pronoia, Parca quaedam? An ultra eam tamquam dea earum quoque ipsarum est domina? Nos nostra lingua dicimus: Oder geht ihre macht noch über die der Parzen hinaus und steht sie auch zu diesen in dem verhältniss einer gottheit?

Quae si recte exposita sunt, hoc quoque loco uno codicis Gori. veram scripturam traditam esse facile intellegitur neque id praetereundum est hac codicis Gori. scriptura multo facilius interpolandi studium excitari potuisse quam ceterorum codicum scriptura.

Idemque dicendum est de ea scriptura, quae codicibus Gori. et Marciano *Ψ* servata

nal. Deor. 1. 1. 95. 4: *τοσοῦτο χρόνον*. Iam Du Mesnilius (l. l. p. 8) dativi temporis pro accusativo positi exempla affert, qui vir doctus hunc usum latino sermoni deberi statuit. Sed conferas ea, quae Schmidius (Attic. I 237) de latino sermone et Luciano et ceteris posterioris graecitatis scriptoribus cognito et usitato disseruit. Exemplis autem quae Du Mesnilius affert hunc quoque de quo agimus locum addendum esse indicamus.

Aliis quibusdam locis editores nulla necessitate coacti ea scriptura, quam cum aliis bonis codicibus codicis Gori. librarius servavit, abiecta sive coniciendo verba sanare studuerunt sive eam, quae deterioribus codicibus tradita est, receperunt. Exemplo sit Tim. 20. 395. 40. ubi Mercurius obloquitur Pluto tardis et claudis pedibus se ad eos ire, ad quos a Iove mittatur, contra celerrime eosdem deserere dicenti his verbis: οὐκ ἀληθῆ ταῦτα γῆς. ἐγὼ δέ τοι πολλοὺς ἄν εἰπεῖν ἔχοιμι σοι χθὲς μὲν οὐδὲ ὁβολὸν ὅσπερ πριάσθαι βρόχον ἐσχολότας, ἔγνω δὲ τήμερον πλουσίους καὶ πολυτελεῖς, ἐπὶ λενχοῦ ζεύγοντος ἐξελαίροντας, οἷς οὐδὲ ζῶν ὄρος ἔπιρρῆε πόποτε. καὶ ὅμως πορρεοὶ καὶ χοροόχειρες περιέρχονται, οὐδ' αὐτοὶ πιστεύετε, ὅμαι, ὅτι μὴ ὅρα πολλοὺς εἶναι. Concedendum sane est pro δὲ post ἐγὼ expectare nos γὰρ vel γάρ, cum antecedenti sententiae (οὐκ ἀληθῆ ταῦτα γῆς) non altera opponatur, sed eis verbis quae sequuntur illa potius quae antecedit sententia explicetur et confirmetur: quia de eausa Sommerbrodtius γὰρ in textu posuit. Tamen illud δὲ Fritzschio auctore plurimis codicibus servatum, auctore Sommerbrodtio duobus tantum libris Gori. et Marc. P, ita potest defendi, ut Mercurium ad exempla, quibus Plutum refutare in animo habet, properantem orationem suam quasi comprimit hanc sententiam omittens: ἐγὼ δέ τοι τάλῃθι σοι λέγω, πολλοὺς γὰρ ἄν εἰπεῖν ἔχοιμι κ. τ. λ.

Pro ζῶν ὄρος Cobetus scriptum fuisse coniecit *καρθηλίας*, quae coniectura Sommerbrodtio probatur. Sed commutari verba opus omnino non est, cum saepissime Lucianus verba ἄν usurpet, ut angustis finibus aliquid coerceat. Ex magno exemplorum numero, quae numerare longum est, id quidem apparet saepissime a Luciano illud *ζῶν* usurpari, ut minimum quod in ea re de qua agit cogitari possit exprimat. Neque perturbari debemur eo, quod hoc loco subiectum desideratur, ad quod verbum ἔπιρρῆε referatur. Ellipticam enim dicendi rationem Luciano usitatissimam esse satis constat neque F. Kerstenum nihil de hac re explicandum reliquisse opinor. Hoc autem de quo disserimus loco illud *ζῶν* quasi simplex vocabulum videtur additum esse, ut fines particula οὐδὲ iam satis circumducti magis constingantur. — Tertium, de quo hoc loco est disserendum, est id, quod Sommerbrodtius codicem Marcianum P secutus pro καὶ ὅμως in verborum continuatione posuit καὶ ὅμως. Iae scriptura apte inter se opponi humeros purpureis vestimentis velatos et manus aureis mulis comptas quis est qui neget? Sed neque Lucianum Luciano meliorem reddere fas est et ipse Lucianus hanc coniecturam refutare videtur, cum Nec. 12. 309. 25 haec scribat: ὁ δὲ ζῶν ποτε ὠπαιτίας αὐτοῖς πορρεοῦς τις ἢ περιέρχους ἢ διαπορίζους ἐνδαίμονας ἔπειτο μακρόντος ἀπογαίνειν γαλεῖν. Unde illud quidem efficitur Lucianum πορρεοῦς ad alium ita usurpare, ut hominem divitem purpureis vestibus exornatum πορρεοῦς significet nullo addito vocabulo.



PA
4236
S67

Sorof, Gustav
Vindiciae Lucianeae

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

